

## ÁKVÖRDUN FRAMKVÆMDASTJÓRNARINNAR (ESB) 2016/1621

2018/EES/14/03

frá 7. september 2016

**um samþykki á leiðbeiningarskjali um tilkynningu til faggildingar- og leyfisveitingarstofa frá umhverfissannprófundum sem starfa í öðru aðildarríki en því þar sem faggildingin eða leyfið var veitt samkvæmt reglugerð Evrópuþingsins og ráðsins (EB) nr. 1221/2009**

(tilkynnt með númeri C(2016) 5648) (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1221/2009 frá 25. nóvember 2009 um frjálsa aðild fyrirtækja/stofnana að umhverfisstjórnunarkerfi Bandalagsins (EMAS) og um niðurfellingu reglugerðar (EB) nr. 761/2001 og ákvarðana framkvæmdastjórnarinnar 2001/681/EB og 2006/193/EB <sup>(1)</sup>, einkum 6. mgr. 30. gr.,

og að teknu tilliti til eftirfarandi:

- 1) Með 3. mgr. 30. gr. reglugerðar (EB) nr. 1221/2009 er samstarfsvettvangi faggildingar- og leyfisveitingarstofa gefinn kostur á að semja leiðbeiningar um atriði á sviði sem heyrir undir heimildir faggildingar- og leyfisveitingarstofa í því skyni að samræma málsmeðferðarreglurnar sem þessir aðilar nota til faggildingar eða leyfisveitingar og eftirlits með umhverfissannprófundum.
- 2) Umhverfissannprófundum, sem starfa í mismunandi aðildarríkjum, er skylt að tilkynna viðeigandi faggildingar- og leyfisveitingarstofum um starfsemi sína í samræmi við 24. gr. reglugerðar (EB) nr. 1221/2009.
- 3) Framkvæmd þessarar málsmeðferðar um tilkynningar í reynd hefur leitt í ljós að viðbrögð einstakra faggildingar- og leyfisveitingarstofa við umhverfissannprófundum, sem virða ekki skuldbindingar sínar um tilkynningarskyldu, eru mismunandi. Af þessum sökum er þörf á viðbótarleiðbeiningum til að tryggja samræmda beitingu málsmeðferðar um tilkynningar í tengslum við umhverfissannprófundur sem hafa hlotið faggildingingu eða leyfi í einu aðildarríki og inna af hendi sannprófunar- og fullgildingarstörf í öðru aðildarríki.
- 4) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót skv. 49. gr. reglugerðar (EB) nr. 1221/2009.

SAMÞYKKT ÁKVÖRDUN ÞESSA:

1. gr.

Leiðbeiningarskjal um tilkynningu til faggildingar- og leyfisveitingarstofa frá umhverfissannprófundum samkvæmt reglugerð (EB) nr. 1221/2009, eins og fram kemur í viðaukanum, er samþykkt.

(\*) Þessi ESB-gerð birtist í Stjórnartíð. ESB L 242, 9.9.2016, bls. 32. Hennar var getið í ákvörðun sameiginlegu EES-nefndarinnar nr. 42/2017 frá 3. febrúar 2017 um breytingu á XX. viðauka (Umhverfismál) við EES-samninginn, biður birtingar.

(<sup>1</sup>) Stjórnartíð. ESB L 342, 22.12.2009, bls. 1.

2. gr.

Ákvörðun þessari er beint til aðildarríkjanna.

Gjört í Brussel 7. september 2016.

*Fyrir hönd framkvæmdastjórnarinnar,*

Karmenu VELLA

*framkvæmdastjóri.*

\_\_\_\_\_

## VIÐAUKI

**Leiðbeiningarskjal um tilkynningu til faggildingar- og leyfisveitingarstofa frá umhverfissannprófundum sem starfa í öðru aðildarríki en því þar sem faggildingin eða leyfið var veitt samkvæmt reglugerð (EB) nr. 1221/2009**

## INNGANGUR

Þetta leiðbeiningarskjal samræmir málsmeðferð um tilkynningar sem gildir um umhverfissannprófundur sem starfa í öðru aðildarríki en því þar sem faggildingin eða leyfið var veitt.

**1. Skuldbindingar sem ber að uppfylla fyrir tilkynningu**

- 1.1. Faggildingar- eða leyfisveitingarstofan skal gera málsmeðferð sína um tilkynningar fyrir umhverfissannprófundur, sem hafa hlotið faggildingu í öðru aðildarríki, aðgengilegar öllum og veita greiðan aðgang að þeim. Í upplýsingum, sem eru aðgengilegar öllum, sem varða þessar málsmeðferðarreglur skal einnig tilgreina öll gjöld (að undanskildum ferðakostnaði) sem faggildingar- eða leyfisveitingarstofan setur upp fyrir tilkynningu og eftirlit.
- 1.2. Faggildingar- eða leyfisveitingarstofan sem veitti faggildinguna eða leyfið skal gera þá kröfu að umhverfissannprófundur, sem hún hefur faggilt eða veitt leyfi, hafi fylgt málsmeðferðinni um tilkynningar, sem er skilgreind í 1. mgr. 24. gr., áður en hún hefur sannprófunar- eða fullgildingarstörf í öðru aðildarríki en því þar sem faggildingin eða leyfið var veitt. Faggildingar- eða leyfisveitingarstofan skal einnig sannprófa, sem hluta af eftirliti með umhverfissannprófundum sem hún hefur faggilt eða veitt leyfi, að tilkynningarskyldan samkvæmt reglugerð (EB) nr. 1221/2009 hafi verið uppfyllt ef umhverfissannprófundinn hefur starfað í öðru aðildarríki.
- 1.3. Faggildingar- eða leyfisveitingarstofan skal mæla með því að umhverfissannprófundur, sem hún hefur faggilt eða veitt leyfi, upplýsi fyrirtæki/stofnanir, sem eru viðskiptavinir þeirra, um að þeim sé skylt að heimila eftirlit í samræmi við 6. mgr. 23. gr. reglugerðar (EB) nr. 1221/2009 og að neitun um að heimila slíkt eftirlit geti komið í veg fyrir að fyrirtæki/stofnanir verði skráðar.

**2. Efni tilkynningarinnar**

- 2.1. Litið skal svo á að tilkynningarskyldan, sem kemur fram í 1. mgr. 24. gr. reglugerðar (EB) nr. 1221/2009, sé uppfyllt þegar allar eftirtaldir upplýsingar eru lagðar fram:
  - a) upplýsingar um faggildingu eða leyfi ásamt sönnunum fyrir því að faggildingin eða leyfið sé enn í gildi og hafi ekki orðið fyrir áhrifum af tímabundinni eða varanlegri sviptingu og að hún/það sé fullnægjandi fyrir sértæka starfsemi fyrirtækisins/stofnunarinnar sem verið er að sannprófa eða fullgilda,
  - b) samsetning starfshópsins og hæfni, einkum að því er varðar þekkingu á lagakröfum varðandi umhverfið og á opinberu tungumáli aðildarríkisins þar sem sannprófunin eða fullgildingin á að fara fram,
  - c) gögn um starfsfólk, ef nauðsyn krefur, t.d. skrár yfir viðeigandi menntun og hæfi, þjálfun og reynslu sem er sérhæfð fyrir atvinnuveginum sem verið er að sannprófa,
  - d) tími og staður sannprófunarinnar og fullgildingarinnar, þ.m.t. heimsóknir umhverfissannprófundans til fyrirtækisins/stofnunarinnar og alla áfanga fyrir og eftir þá heimsókn eins og fram kemur í 25. gr. reglugerðar (EB) nr. 1221/2009,
  - e) heimilisfang og samskiptaupplýsingar fyrirtækis/stofnunar sem verið er að sannprófa eða fullgilda, þ.m.t. öll athafnasvæði og starfsemi, sem fellur undir gildissvið sannprófunarinnar eða fullgildingarinnar, og fjöldi starfsmanna.

Viðbótarkröfurnar, sem um getur í c-lið, skulu rökstuddar m.t.t. sérstakra aðstæðna og mega ekki hafa áhrif á rétt umhverfissannprófundans til að veita þjónustu í öðru aðildarríki en því þar sem faggildingin eða leyfið var veitt.

- 2.2. Ef tilkynningin uppfyllir tilkynningarskylduna sem kemur fram í 1. mgr. 24. gr. reglugerðar (EB) nr. 1221/2009 skal faggildingar- eða leyfisveitingarstofan upplýsa umhverfissannprófundann um það fyrir upphaf sannprófunar- eða fullgildingarstarfanna eins og lýst er í 25. gr. reglugerðar (EB) nr. 1221/2009. Ef unnt er skal veita slíkar upplýsingar tveimur vikum fyrir upphaf sannprófunar- eða fullgildingarstarfanna. Um leið skal faggildingar- eða leyfisveitingarstofan upplýsa umhverfissannprófundann um gildissvið og inntak eftirlitsins sem hún ætlar sér að inna af hendi og um tengdan kostnað.
- 2.3. Ef faggildingar- eða leyfisveitingarstofan verður vör við að inna eigi af hendi sannprófunar- eða fullgildingarstörf eða ef þau hafa þegar verið innt af hendi án tilkynningar skal faggildingar- eða leyfisveitingarstofan minna umhverfissannprófundann á kröfurnar í reglugerð (EB) nr. 1221/2009 sem varða tilkynningar í viðkomandi landi (sjá lið 2.1).

Ef upplýsingarnar sem getið er í 1. mgr. 24. gr. reglugerðar (EB) nr. 1221/2009 eru ekki lagðar fram tímanlega eða ef tilkynningin uppfyllir ekki tilkynningarskylduna sem kemur fram í þeirri grein gildir liður 3.1 í þessu leiðbeiningskjali.

- 2.4. Þar eð niðurstaða tilkynningarinnar gæti haft áhrif á sannprófunar- og fullgildingarferlið skal faggildingar- eða leyfisveitingarstofan mæla með því við sannprófundann að hann sendi viðskiptavini sínum þessa niðurstöðu.

### 3. Afleiðingar þess ef málsmeðferðinni um tilkynningar er ekki fylgt

- 3.1. Ef tilkynningin uppfyllir ekki tilkynningarskylduna sem kemur fram í 1. mgr. 24. gr. reglugerðar (EB) nr. 1221/2009 skal faggildingar- og leyfisveitingarstofan fylgja málsmeðferðinni sem kemur fram í liðum 3.1.1 til 3.1.4.
  - 3.1.1. Ef upplýsingar að því er varðar faggildingar- eða leyfisupplýsingar, hæfi, tíma og stað sannprófunar og fullgildingar, heimilisfang og samskiptaupplýsingar fyrirtækis/stofnunar, þekkingu á lagakröfum varðandi umhverfið og á opinberu tungumáli aðildarríkisins þar sem sannprófunin eða fullgildingin á að fara fram eða, ef við á, sem varða samsetningu starfshópsins eru ekki veittar eða ekki veittar á réttum tíma skal upplýsa umhverfissannprófundann eins fljótt og unnt er um upplýsingarnar sem vantar og að eindagi fyrir tilkynningar hafi ekki verið virtur.
  - 3.1.2. Ef faggildingar- eða leyfisveitingarstofan telur að upplýsingar sem vantar komi ekki í veg fyrir fullnægjandi eftirlit með umhverfissannprófundanum skal faggildingar- eða leyfisveitingarstofan líta svo á að tilkynningin sé fullnægjandi til að inna eftirlitsstarfsemina af hendi og fara þess á leit að umhverfissannprófundinn leggi upplýsingarnar sem vantar fram á síðara stigi. Umhverfissannprófundinn skal upplýstur tímanlega um þessa ákvörðun og áður en sannprófun eða fullgilding fer fram.
  - 3.1.3. Ef faggildingar- eða leyfisveitingarstofan telur að upplýsingar sem eru nauðsynlegar til að inna af hendi fullnægjandi eftirlit með sannprófunar- eða leyfisveitingarstarfinu (t.d. tími og staður sannprófunar- eða fullgildingarstarfanna, heimilisfang og samskiptaupplýsingar fyrirtækis/stofnunar, faggildingar- eða leyfisupplýsingar umhverfissannprófundans, samsetning starfshóps eða hæfi starfshóps, einkum þekking á lagakröfum og á opinberu tungumáli aðildarríkisins þar sem sannprófunin eða fullgildingin á að fara fram) hafi ekki verið mótteknar skal faggildingar- eða leyfisveitingarstofan upplýsa umhverfissannprófundann um að hún telji tilkynninguna ófullnægjandi, að fullnægjandi eftirlit sé þar af leiðandi ekki mögulegt og að ef sannprófun eða fullgilding fer fram áður en upplýsingarnar sem vantar eru lagðar fram muni hún mæla með því við þar til bærar aðila að hann skrái ekki fyrirtækið/stofnunina.
  - 3.1.4. Ef faggildingar- eða leyfisveitingarstofan ákveður að mæla með því að þar til bær aðili skrái ekki fyrirtækið/stofnunina skal það tilkynnt umhverfissannprófundanum, faggildingar- eða leyfisveitingarstofunni sem veitti faggildinguna eða leyfið, fyrirtækinu/stofnuninni, ef unnt er, og þar til bærur aðila.